



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 59. Balduinis Archiepiscopus Cantuariensis.

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

mibi, quod Thomæ Martyri fecisti. Sæcul. XII.
Malo enim a te in Anglia perimi, quam A.C. 1185.
a Saracenis in Syria, cum quocunque Sa-
raceno peior sis.

Exinde Henricus Rex, Patriarcha,
 & Hospitalariorum Magister, in Nor-
 manniam transvecti, Rotomagi Festum
 Paschæ, quod hoc anno millesimo cen-
 tesimo octogesimo quinto in diem vige-
 simam primam Aprilis incidebat, cele-
 brarunt. Ubi Regi Franciæ nunciatum,
 advenisse Regem Angliæ, celeriter ad
 eum in arce *Vau de Reuil* prope Roto- *Rog. p. 630.*
 magum invisit, ubi, cum triduo consul- *Id. p. 629.*
 tassent, valido militum auriq[ue] auxilio
 Terræ sanctæ succurrere statuerunt. Et
 quoniam Rex Angliæ cunctis suis subdi-
 tis potestatem cum Crucigerorum agmi-
 nibus proficiscendi fecerat, complures
 etiam Episcopi se ad expeditionem sa-
 cram accinxerunt. Antistitum præci-
 pui, Archiepiscopi duo, nuper ordinati,
 Balduinus Cantuariensis & Gualterius
 Rotomagensis, fuerunt.

§. LIX.

Balduinus Archiepiscopus Cantua-
riensis.

Richardus Archiepiscopus Cantuarien- *Chro. Gerv.*
 sis anno superiore millesimo centesi- *an. 1184.*
 mo octogesimo quarto die Veneris deci- *Rad. Dic.*
 ma *p. 618. Petr.*
Bles. ep. 5.

Sæcul. XII.
A.C. 1185.

ma septima Februarii, postquam ultra annos decem sedisset, e vita excefferat. Accusabatur, quod ei major cura de rebus Ecclesiæ suæ temporalibus, quam spiritualibus fuisset, & favore Regis, a quo tenerè amabatur, ad malos reprimendos non fuisset usus. Ipso defuncto Sedes plus quam decem mensibus vacavit, quod illius Provinciæ Episcopi, & Monachi Ecclesiæ Cathedralis de jure eligendi Archiepiscopum litigarent. Episcopi vigesima tertia Octobris Balduinum, antea Episcopum Vigorniensem, Archiepiscopum elegerunt, & Monachi sua ex parte Dominica tertia Adventus die decima sexta Decembris anno millesimo centesimo octogesimo quarto eidem suffragati sunt. Ac tandem accepta a Lucio Papa electionis confirmatione, & Pallio, Balduinus solemnè in Festo S. Dunstani, die decima nona Maji, anno millesimo centesimo octogesimo quinto, in Cathedram Cantuariensem invectus est. Balduinus Exoniæ parentibus, bonis fortunæ destitutis, natus, cum aliquamdiu cuidam scholæ præfuisset, ob eximia merita Archidiaconus creatus est. Sed paulopost, dimissa hac Dignitate, Monachum Ordinis Cisterciensis induit, atque uno anno consummato Abbas Fordensis in provincia Devoniensi eligitur. Unde anno millesimo cente-

*Goduin. p.
114. Gervas.
Act. Pontif.
p. 1675.*

centesimo octogesimo primo ad imple- Sæcul. XII.
dam sedem Episcopalem Vigorniensem A.C. 1185.
evocatur. Vir erat admodum sobrius,
modestus & mitis, sed vigore necessario
ad coercendam improborum licentiam
carere, ac melior monachus quam Epi-
scopus fuisse dicebatur. Ceterum pri-
mus ex Ordine Cisterciensi Cathedram
Cantuariensem conscendit; quam annis
ferme sex tenuit.

Gualterius Constantinensis, Archie-
piscopus Rotomagensis successerat Ro-
travio, vigesima quinta Novembris, an-
no millesimo centesimo octogesimo ter-
tio, fatis functo, postquam nobilissimæ
Ecclesiæ annis prope viginti præfuisset.
Gualterius olim Canonicus Rotomagen- Gal. Christ.
sis, & deinde Archidiaconus Oxoniensis, Chron. Alb.
exeunte anno millesimo centesimo octo- 1164. 1183.
gesimo tertio, Episcopus Lincolnien- Chron. Rot.
electus, Andegavi a Richardo Archiepi- hom. Lab. I.
scopo Cantuariensi consecratus est. Sed bibl. p. 369.
brevi post tempore Rotomagum trans-
latus, & in Festo S. Matthiæ, vigesima Goduin.
quarta Februarii, anno millesimo cente- p. 344.
simo octogesimo quinto solio Archiepi-
scopali solemniter impositus. Sedit
vero annis viginti duobus. Sed quam-
vis hi Præsules accepto Crucis signo
sacram professionem vovissent, moras
tamen trahebant, & Patriarcha Hieroso-
lymitanus viam in Orientem relegit,
Hist. Eccles. Tom. XVIII. M haud

Sæcul. XII. haud sane tanto, quantum speraverat,
 A.C. 1185. itineris lucro sequente. Eodem anno
 1185. Balduinus IV. e vivis abiit, &
Sanct. p. 172 quia lepra, qua affligebatur, uxorem
 ducere prohibitus fuerat, successorem
 sibi delegit, nepotem suum Balduinum V.
G. Tyr. 1004 jussu ipsius anno millesimo centesimo o-
Guil. Neubr. ctogesimo primo coronatum, sororis suæ
 3. c. 16. Sibillæ, & Guilielmi *a longo gladio*
 dicti, Marchionis Montisferratensis fi-
 lium, puerum novennem, qui anno se-
 quente millesimo centesimo octogesimo
 sexto rebus humanis ereptus est.

§. LX.

Thessalonica a Siculis capta.

Nicot. 1. Inter hæc Guilielmus Rex Siciliae, in-
Andron. n. 7. stigante quodam Alexio Comneno,
Jo. Cec. Manuelis Imperatoris propinquo, bello
Chron. an. terra marique adornato, Imperium Con-
 1155. stantinopolitanum armis subjicere mo-
 liebatur. In Festo S. Joannis anno mil-
Nicot. p. 194. lesimo centesimo octogesimo quinto
 Dyrrachium, & eodem anno, quem Græ-
 ci sexies millesimum sexcentessimum tri-
 gesimum tertium numerabant, die de-
 cima quinta Augusti, Thessalonica ab
 ejus Ducibus capta. Sed Siculi victo-
 riæ gloriam crudelitate & sacrilegiis ob-
 fuscarunt; quippe Græcos in ipsis Eccle-
 siis, ad quas confugerant, obtruncabant,
 sacras imagines conculcabant, quæ apud
 Græ-